

VENDIM
Nr. 964, datë 2.12.2015

**PËR KALIMIN E HELIKOPTERËVE E TË PAJISJEVE TË TYRE, NGA MINISTRIA E
PUNËVE TË BRENDSHME DHE MINISTRIA
E SHËNDETËSISË TE MINISTRIA
E MBROJTJES**

Në mbështetje të nenit 100 të Kushtetutës dhe të ligjit nr. 10296, datë 8.7.2010, “Për menaxhimin financiar dhe kontrollin”, me propozimin e ministrit të Mbrojtjes, ministrit të Punëve të Brendshme dhe ministrit të Shëndetësisë, Këshilli i Ministrave

VENDOSI:

1. Helikopterët dhe pajisjet e tyre, në administrim të Ministrisë së Punëve të Brendshme (Policisë së Shtetit) dhe Ministrisë së Shëndetësisë, të kalojnë, pa shpërblim, në administrim të Ministrisë së Mbrojtjes, sipas anekseve nr. 1 (Ministria e Punëve të Brendshme) dhe nr. 2 (Ministria e Shëndetësisë), që i bashkëlidhen këtij vendimi dhe janë pjesë përbërëse të tij.

2. Helikopterët dhe pajisjet të dorëzohen në gjendjen aktuale që ato ndodhen.

3. Dorëzimi dhe marrja në dorëzim bëhen me komisione përkatësisht të Ministrisë së Punëve të Brendshme (Policisë së Shtetit), Ministrisë së Shëndetësisë dhe Ministrisë së Mbrojtjes, sipas legjislacionit në fuqi.

4. Komandimi i helikopterëve për qëllimet e Ministrisë së Punëve të Brendshme (Policisë së Shtetit) dhe të Ministrisë së Shëndetësisë do të bëhet nga personat e autorizuar, përkatësisht, ministri i Punëve të Brendshme dhe ministri i Shëndetësisë.

5. Në rast të pamundësisë së përdorimit të helikopterëve, që shërbejnë për Ministrinë e Punëve të Brendshme (Policinë e Shtetit) dhe Ministrinë e Shëndetësisë, do të përdoren helikopterët e Ministrisë së Mbrojtjes.

6. Personeli prej 11 vetash, i angazhuar në Komisaratin Special të Helikopterëve, në përbërje të RENEA-s, i zbritet numrit të përgjithshëm të punonjësve të Ministrisë së Punëve të Brendshme dhe i shtohet numrit të përgjithshëm të punonjësve të Ministrisë së Mbrojtjes.

7. Personeli prej 11 vetash, i angazhuar në Njësinë e Transportit Mjekësor me Helikopterë, të Qendrës Kombëtare të Urgjencës Mjekësore të Ministrisë së Shëndetësisë, i zbritet numrit të përgjithshëm të punonjësve të Ministrisë së Shëndetësisë dhe i shtohet numrit të përgjithshëm të punonjësve të Ministrisë së Mbrojtjes.

8. Ngarkohen ministri i Mbrojtjes, ministri i Punëve të Brendshme dhe ministri i Shëndetësisë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

ANEKSI NR. 1
HELIKOPTERËT E MINISTRISË SË PUNËVE TË BRENDSHME

Nr.	Marka	Tipi	Viti i prodhimit	Shteti prodhues	Statusi aktual
1	Mi	8	1992	Rusi	Në riparim në Bullgari, deri në fund të këtij muaji

2	AS	350B	1985	Francë	Në gatishmëri – në punë
3	AS	350B	1985	Francë	Jashtë gatishmëri - në pritje për t'u riparuar
4	BO	105E	1981	Gjermani	Jashtë gatishmërie - në ruajtje
5	BO	105E	1981	Gjermani	Jashtë gatishmërie - në ruajtje

ANEKSI NR. 2
HELIKOPTERËT E MINISTRISË SË SHËNDETËSISË

Tipi i helikopterëve	Nr. i regjistrit	Marka	Shteti prodhues	Viti i prodhimit	Statusi/gatishmëri
ALO-3/SA 319B	2139	ZA-XRJ	Francë	1974	jo në gatishmëri
ALO-3/SA 319B	2299	ZA-XFM	Francë	1976	jo në gatishmëri
ALO-3/SA 319B	2378	ZA-XHZ	Francë	1979	gatishmëri
ALO-3/SA 319B	1995	ZA-XHP	Francë	1978	gatishmëri
BO-105 E-4	5058	ZA-XCL	Gjermani	1982	gatishmëri
BO-105 E-4	5011	ZA-ZLE	Gjermani	1980	gatishmëri
EC-135/P2+	1072	ZA-XHB	Gjermani/Spanjë	2013	gatishmëri